

杜

詩

闡

杜詩闡第二十九卷目

從驛次至東屯

暫往白帝

刈稻了

柳司馬至

自平

久雨

虎牙行

寫懷

舞劍器行

有歎

寒雨朝行

白鳧行

冬至

觀赴藍田

別李義

送高司直

錦樹行

白帝城樓

寄從孫崇簡

送卿二翁

白帝樓

夜歸

曉望鹽山

送韋贊善

夜聞鶯鶯

前苦寒行

晚晴

復陰

後苦寒行

元日示宗武

又示

遣懷舍弟

太歲日

舊退口號

續得觀書

人日

江梅

庭草

將別巫峽

送封王簿

杜詩闡卷二十九

同學王日藻却非氏學

華亭盧元昌文子氏述

武林弟 璉漢華氏訂

夔州詩

大曆二年至三年

從驛次草堂復至東屯二首

前至東屯檢校
此至東屯收穫

峽裏歸田客江邊借馬騎

二句從驛次

非尋戴安道似向習家

池二句復至東屯山險風煙合天寒橘柚垂

二句在築場看飲積道之景

一學楚人爲

二句復至東屯之事

我往來東屯都爲農事是歸田客也東西有水陸之隔故船渡之後又須騎馬幸江邊有驛次馬可借耳我渡江而來非子猷之訪戴安道我騎馬而去似山公之向習家池蓋將望東屯而往也山險故風煙早合非馬不行天寒見橘柚已垂獲何容晚夫築場歛積納稼之常楚人何獨不然楚人所爲無一可學學楚人不過此歟積之常耳理生之道聊從俗云

短景難高臥衰年強此身

從復至說入

山家蒸栗暖野飯射麋

新二句到東屯之事

世路知交薄門庭畏客頻牧童斯在眼田父

實爲鄰

四句復至東屯之感

衰年宜高臥矣今僕僕東屯者迫於短景農事難緩勉強爲此耳惟是山有嘉栗餉客嘗蒸澤有介麋佐饌不乏而况世路早知交態甚薄若論門庭何煩上客頻來不如與牧童田父輩共爲蒸栗射麋之樂不亦可乎

暫往白帝復還東屯

復作歸田去

點復還

猶殘穫稻功

復還之故

築場憐蟻穴拾穗許

村童落杵光輝白除芒子粒紅加餐可扶老倉庾慰飄蓬

六句總承獲稻句

我暫歸漢西復還東屯者山前日檢校尚有餘功也九月蟄蟲咸俯我築場恐於穴處者有傷所餘寡婦伊利此狼戾一聽無食者拾取蓋穴蟻堪憐村童尤可念也有玉粒一落杵光輝燦然有紅鮮纔除芒子粒可數於以炊之可扶老病所云老藉軟俱勻者信不誣也於以貯之足慰飄蓬所云嘗新破旅顏者今果然也復還東屯爲此故耳○按公種稻皆在東屯讀補稻畦水及督促耗稻兩詩皆東屯也雖卜居漢西有春耕破漢西句其實漢西未嘗種稻蔬果居多蓋漢西石田不可耕東屯水平土沃米冠蜀中故兩次還東屯皆歸田黃鶴以茅堂檢校收稻爲收漢西之稻復還東屯刈稻爲刈東屯之稻微論公非老農不若是之貪得卽客居旅食祇復寥落亦無僕僕東西兩處耕種之理漢西蔬果成豎子東屯稻禾責成行官公詩了然

刈稻了詠懷

稻穫空雲水川平對石門寒風疎草木旭日散雞豚

刈稻四句

了野哭初聞戰樵歌稍出村無家問消息作客信乾坤

四句

懷詠

此收拾歸田諸作 稻刈矣一望田畦雲水皆空但見
一川如舊對石門而若案耳稻既刈草木疎矣寒風拂
之稻既刈雞豚散矣旭日照之其如農務雖息戰伐未
休何聽野哭知其初聞戰也初聞戰哭聲如是戰後可
知聞樵歌不過稍出村也稍出村十家九哭歌者偶
耳亂離如此我無家之人一任乾坤聊以詠懷而已

柳司馬至

柳司馬必柳宗元父柳鎮也按宗元傳父鎮於肅宗平
賊時上書言事擢兵曹參軍佐郭子儀朔方府三遷殿
中侍御史以事觸寶參貶夔州司馬時公在夔柳司馬更無他人

有客歸三峽相過問兩京

二句柳司馬至

函關猶出將渭水更屯

兵設備邯鄲道和親邏迤城幽燕惟易道商洛少行人

六句

承問字述司馬答辭

衰謝身何補蕭條病轉嬰霜天到宮闕戀主寸

心明

四句自言

吐蕃寇靈州兩京消息斷矣幸司馬歸峽我得憑之問
信司馬答曰吐蕃入寇逼近京師東都函關爲扼要地
朝廷於此出將潁陽一荒地爲密邇郭子儀率甲士鎮
其地渭水亦復屯兵焉不但京師邯鄲亦設備矣邯鄲
雖屬晉恐有河東乘機起者至邏迤爲吐蕃城於此設
備於彼和親也若幽燕則路已斷惟身可通商洛則兵
已滿行人亦少由兩京及河東北備吐蕃如此我聽司
馬言冀一奮身爲朝廷效力無奈老病相尋一身無補
仰見霜天炯炯直到宮闕我戀主寸心
亦與俱耿豈曰老病竟置國難度外耶

自平

自平宮中呂太一收珠南海千餘日

二句前日

近供生犀翡翠

稀復恐征戍干戈密

二句今日

蠻溪豪族小動搖世封刺史非

時朝蓬萊殿裏諸王將才如伏波不得驕

四句見不當征戍

猶憶廣德年間中官呂太一作亂廣州自平太一之亂南海貢珠三年不絕近者所供犀翠又復稀疎夫豈南海不來享復恐征戍者干戈密之故也若此呂太一之禍必復見於今日夫蠻族動搖當置不問況其酋長歸順者雖世授刺史而道里遼濶異於中原不必更責以時朝之禮今日蓬萊殿前掌神策軍者是亦呂太一之流未必是馬伏波縱使才如伏波亦不必動兵於遠况非伏波焉得驕哉○蓬萊殿裏將指魚朝恩

久雨期王將軍不至

天雨蕭蕭滯茅屋空山無以慰幽獨銳頭將軍來何遲令

我心中苦不足數看黃霧亂玄雲時聽巖風折喬木泉源

泠泠雜猿狖泥滓漠漠飢鴻鵠歲暮窮陰耿未已人生會

面難再得以上久憶爾腰下鐵絲箭射殺林中雪色鹿前

者坐皮因問毛知子歷險人馬勞異獸如飛星宿落應弦

不礙蒼山高安得突騎只五千岑然眉骨皆爾曹走平亂

世相催促一豁明主正鬱陶以上惜其有才不見用憶昔范增碎玉

斗來使吳兵着白袍昏昏闔闔閉氛祲十月荆南雷怒號

四句述時事
結挽久雨

空山茅屋入雨蕭蕭莫得銳頭將軍似武安君者一來

慰我將軍來何暮耶惟有黃霧亂雲嚴風折木狖猿雜

處鴻鵠啼飢似此歲暮窮陰人生幾何會面之難如此

猶憶前者將軍抽鐵絲射白鹿我因坐皮知子歷險之

績就格獸服子應弦之能以爲安得突騎五千眉骨罕

然皆如銳頭將軍者走平亂世一豁主憂乃將軍曾有

范增老謀恨不見用徒碎玉斗所以諸將叛亂如侯景
者皆擁白袍竟使閭閻氣稜不散至孟冬雷未收聲
也夫十月怒雷世亂所感蕭蕭久雨能不懷我將軍耶
○時杜鴻漸薦崔暉崔暉入朝故有閭閻氣稜句王將
軍在成都鴻漸不用以平崔暉亂詩言如此篇中黃霧
亂雲殺氣蔽天之象蟻風折木大將失律之象猿狖雜
處小人竄竊之象鴻鵠苦飢民生失所之象都借雨傍時事說

虎牙行

公自注虎牙灘名蕭銑僭江陵
自屯兵於此後常爲屯戍之處

秋風竄吸吹南國天地慘慘無顏色洞庭揚波江漢迴虎

牙銅柱皆傾側

四句出
虎牙灘

巫峽陰岑朔漠氣峯巒窈窕溪谷

黑杜鵑不來猿狖寒山鬼幽憂霜雪逼

四句寫虎牙
灘之景象

楚老

長嗟失炎瘴三尺角弓兩斛力壁立石城橫塞起金錯旌

竿滿雲直

四句
屯戍

漁陽突騎獵青丘犬戎鎖甲聞丹極八荒

十年防盜賊三句屯征戍誅求寡婦哭遠客中宵淚霑臆

三句感時作結

秋風一吹天地之氣慘無色矣直至風撼波濤銅柱傾側甚者巫峽峯巒皆為黯澹鳥獸山鬼莫不苦寒於時楚老因稟列憶炎瘴即角弓之愈勁知秋氣之彌高當此虎牙灘上屯戍未休遙見石城之間旌竿如樹所以然者昔年安史突騎曾獵青丘此後吐蕃鎖甲再圍丹極十年以來盜賊未息此虎牙灘上屯兵難撤耳征戍未休誅求彌急能免寡婦苛政之哭遠客窮途之涕哉

寫懷二首

勞生共乾坤何處異風俗冉冉自趨競行行見羈束無貴賤不悲無富貧亦足萬古一骸骨那求遁歌哭以上說鄙夫到巫峽三歲如轉燭全命甘留滯忘情任榮辱朝班及暮

齒日給還脫粟編蓬石城東采藥山谷北用心霜雪間不
必條蔓綠非關故安排曾是順幽獨達士如弦直小人似

鈎曲曲直我不知負暄候樵牧

寫一段

萬物勞生其處天地風俗有何足異自趨競者起天地
之大遂苦羈束因有貴者形賤者而賤者悲有富者形
貧者而貧者戚矣之富貴貧賤及其既盡同一骸骨生
而謂死而哭何常之有鄙夫自到巫峽候忽三載苟全
性命留滯他鄉已忘物情榮辱不計以言仕宦老絕朝
班以言養生日供脫粟棲身則編蓬郭外多病故採藥
山間用心霜雪之餘不過勞其筋骨豈必條蔓之綠以
爲他日參苓無安排也順幽獨耳何貴何賤何貧何富
何榮何辱之有語云直如弦死道邊曲如鈎封公侯願
爲達士則何利願爲小人又不可庶幾曲直兩忘如樵
如牧我負
暄候之矣

夜深坐南軒明月照我膝驚風翻河漢梁棟已出日

四句起興

羣生各一宿飛動自儔匹我亦驅其兒營營爲私實天寒

行旅稀歲暮日月疾

四句自寫

榮名忽中人世亂如蟣虱古者

三皇前滿腹志願畢胡爲有結繩陷此膠與漆禍首燧人

氏厲階董狐筆君看燈燭張轉使飛蛾客

以上諷世

放神八極

外倪仰俱蕭瑟終契如往還得非合仙術

四句寫懷之指

方夜坐對月忽焉驚風飈白日出明月安在當其夜深羣生皆有一宿及乎日出飛動各有所爲凡以營其私耳我豈無私其如天寒旅稀日月又迫何夫人多營者皆爲榮名故因而賤者思貴貴不得則起而攘貧者思富富不得則起而爭大者竊侯小者竊鉤世亂紛然奚啻幾虱古者三皇之世淳淳悶悶鼓腹而遊志願已畢結繩起而機巧生機巧生而膠漆之固者從此而構累作偏於燧人多事董狐之筆又繼結繩而起推燧人董狐之意本以防奸記惡耳豈知奸以防而益奸惡以記而彌惡譬彼燈燭本驅飛蛾乃燈燭旣張飛蛾轉客彼

仙人者不但無曲直是非貴賤貧富并死生而盡空誠
放神八極齊一死生有如往還而已何仙術之不合哉
○孫楚詩齊葬在今朝註引投葬大約也言齊死生
大約在於今朝終葬卽齊葬始往還卽生往死還也
觀公孫大娘弟子舞劍器行并序

大曆二年十月十九日夔州別駕元特宅見臨穎李十
二娘舞劍器壯其蔚跂問其所師曰余公孫大娘弟子
也開元三載余尚童穉記於郾城觀公孫氏舞劍器渾
脫瀏灑頓挫獨出冠時自高頭宜春梨園二伎坊內人
洎外供奉曉是舞者聖神文武皇帝初公孫一人而已
玉貌繡衣况余白首今茲弟子亦匪盛顏旣辨其出來
知波瀾莫二撫事忼慨聊爲劍器行昔者張旭善草書

書帖數常於鄴縣見公孫大娘舞西河劍器自此草書
長進豪蕩感激卽公孫可知矣

昔有佳人公孫氏一舞劍器動四方觀者如山色沮喪天
地爲之久低昂燿如羿射九日落矯如羣帝驂龍翔來如
雷霆收震怒罷若江海凝清光

以上叙公孫之舞

絳唇珠袖兩寂

寞晚有弟子傳芬芳臨穎美人在白帝妙舞此曲神揚揚
與予問答既有以感時撫事增惋傷

以上臨穎美人之舞

先帝侍女

八千人公孫劍器初第一五十年來似反掌風塵瀕洞昏

王室梨園弟子散如煙女樂餘姿映寒日

以上追叙先帝

金粟堆

前木已拱瞿唐石城草蕭瑟玳筵急管曲復終樂極哀來

月東出老夫不知其所往足蘭荒山愁轉疾

六句自傷

昔有佳人爲公孫大娘者每舞劍器震動四方不但觀者沮喪卽天地亦爲低昂焉初而下如后羿射日落而昂者低舉而上如羣帝騰龍翔而低者昂忽然來如雷霆震於上而昂者還其昂忽然收如江海凝於下而低者還其低一低一昂頓挫獨出如此今終唇珠袖不復在矣獨有弟子傳其芬芳耳弟子何人臨穎美人今在白帝城者是妙舞此曲神彩飛揚所謂如羿射如龍翔如雷震如江海者公孫已盡授之美人故妙舞揚揚波瀾莫二如此顧予何知美人之伎出自公孫氏於先帝侍知其有本感時撫事不覺惋傷蓋由公孫氏於先帝侍女中爲八千人之冠當年玉貌纖衣絳唇珠袖以妙舞侍先帝高頭宜春二伎坊內人皆推公孫爲第一自開元五年至大曆二年爲五十年時移事往樂盡哀來當時梨園弟子流落四方無一在者獨此臨穎美人李十二娘尚傳西河妙舞其女樂餘姿猶映寒日使人想見先帝高頭宜春之盛所可數者美人猶是劍器宛然龍馭不還茂陵寂寞耳當此瞿唐石城秋草蕭蕭珠筵急管曲終黯黯難欲再至郾城問童稚戲遊之所重謁金

粟弔先帝弓劍之鄉有足藹荒山自
傷頽老轉加愁疾不可復得也已

有歎

公自注蜀官
軍自國舊遂

壯心久零落白首寄人間天下兵常鬪江東客未還窮猿

號雨雪老馬望關山

二句應
客未還

武德開元際蒼生豈重攀

三句

應兵
常鬪

我壯志消磨不堪自問今日衰老亦聊寄人間耳何爲
至此蓋因天下紛紜兵戈常鬪故江東流落人客未還
也窮猿失木老馬迷途回首太平恍如隔世深思武德
開元之盛蒼生豈能再攀哉我之有歎誠此故耳○按
水經江水東逕赤甲又東逕魚復又東逕巫峽又東逕
夔城故曰江東客非弟豐在江左之謂武德爲高祖年
號開元是明皇年號不及貞觀永徽諸朝者武德爲唐
治之始開元爲唐治之終舉武德開元列宗皆在其中
想到武德開元卽國風終
幽風亂經思治之微意

集雨朝行視園樹

柴門擁樹向千株丹橘黃甘此地無江上今朝雲雨歇籬
中秀色畫屏紆桃蹊李徑年雖故梔子紅椒艷復殊鏤石
藤梢元自落倚天松骨見來枯

以上園樹

林香出實垂將盡葉

蒂辭枝不重蘇愛日恩光蒙借貸清霜殺氣得憂虞

四句寒朝

衰顏動覓藜牀坐緩步仍須竹杖扶散騎未知雲閣處啼

猿僻在楚山隅

四句朝行感懷

園樹多矣其中時果雖無甘橘然而今朝江上雲雨既歇籬中秀色若畫屏然而况若桃若李蹊徑尚存若椒若梔艷色殊衆若藤鎖石有勁姿若松倚天有傲骨蹊者蹊徑者徑紅者紅艷者艷鏤石者鏤石倚天者倚天循籬一望真畫屏哉乃其間林香出實者垂垂將盡葉蒂辭枝者亦不重蘇豈非成功者退物有難強者所望

愛日思光榮其一照猶恐清霜殺氣不免頓侵離中秀
色安能長保也我朝來行視自顧衰頹常須緩步既不
能如散騎入雲閣中乃倚徙園樹與啼猿共處雖有千
株亦復何心也已○此卽果園四十畝去歲時贈南卿
者兄

白鳬行

君不見黃鵠高於五尺童化爲白鳬似老翁故畦遺穗蕩
已盡天寒歲暮波濤中鱗介腥膻素不食終日忍飢西復

東

六句

魯國鵝鵠亦蹢躅聞道如今猶避風

借客結

黃鵠本摩天之羽高於五尺童已度越儔等今化爲白
鳬有類老翁爲五尺童所竊笑白鳬非香稻不食今故
畦穗盡勢必天寒歲暮泛泛波濤此時波濤中豈無鱗
介白鳬鄙而不屑食故仍終日忍飢東西流落也故畦
穗盡一至於此卽如鵝鵠偶因避災止魯東門今久而
不去豈鵝鵠之得已耶○黃鵠鵝鵠皆公自況公留滯

於夢正如鷄鵲踏踏宜乎不食
嗟來爲黃鵠之飢寒失所也

冬至

年年日至長爲客忽忽窮愁泥殺人

二句

江上形容吾獨

老天涯風俗自相親杖藜雪後臨丹壑鳴玉朝來散紫宸

心折此時無一寸路迷何處見三秦

六句分應首二句

年年日至年年爲客未有不窮愁者獨此窮愁泥人不
去一似窮愁於我獨親然在此則江上形容偏我獨老
在彼則天涯風俗自爲相親身居夢地親疎不入我日
至長爲客可傷如此而況在殊方者杖藜踏雪在長安
者鳴玉來朝身遠闕廷雲泥異路我窮愁泥殺人可傷
又如此寸心折盡故國終迷亦何日免於爲客窮愁也
舍弟觀赴藍田取妻子到江陵喜寄三首

汝迎妻子到荊州消息真傳解我憂鴻雁影來連峽內鵲

錫飛急到沙頭曉關險路今虛遠

五句弟到江陵

禹鑿寒江正穩

流朱綬卽當隨彩鵲青春不假報黃牛

三句自言出峽

自汝往監田迎妻于秋來消息杳然今日荆州信到憂
方解耳鴻雁之影未來峽內尚未爲真已連峽內是消
息真傳也鵲鵲之飛未向沙頭到未到尚未可知已到
沙頭是妻子果達荆州矣前此曉關之險誠畏其遠今
回首曉關已爲虛遠我憂所以解耳前此峽江之流苦
其不穩今十月寒江正當平穩我亦乘此出峽矣及此
穩流我懷朱綬隨彩鵲下江陵汝黃牛峽之來信不必
至青春又傳矣喜可知也○朱綬隨彩鵲亦寓急於趨
朝意公由雲安至夔州年來此心日在朝廷一日歸朝
日簪笏一日肺病幾時朝日邊於九日曰朱黃賜朝士
難得一枝來於夜雨曰同舍晨趨侍胡爲淹此畱至弟
到江陵尅期出峽從前神往并在此時故不覺喜極曰
朱綬卽當隨彩鵲蓋公歸溪上未嘗罷官
出峽趨朝分所當然朱綬二字定非漫下

馬度泰山雪正深北來肌骨苦寒侵他鄉就我生春色故

國移居見客心

四句弟到江陵

歡劇提攜如意舞喜多行坐白頭

吟巡簷索其梅花笑吟藥陳枝半不禁

四句自述喜意

想汝由藍田下秦山雪正深也苦寒如此弟攜妻子至此者不過為就我之故雖他鄉而春色生焉但長安是故國弟從故國移居雖為就我之故亦見客心之不得已也我則喜甚喜形於手提攜如意舞矣喜形於口行坐白頭吟矣此時尚自舞尚自吟索誰共笑巡簷之際忽見梅花如見我弟因而共梅花笑如其弟笑夫梅花本無情之物今若揣知人意吟藥陳枝不禁舒放我其為吟藥陳枝哉

庾信羅含皆有宅春來秋去作誰家

二句總

短牆若在從殘

草喬木如存可假花

此聯承首句

卜築應同蔣詡徑為園須似

邵平瓜

此聯應次句

比年病酒開涓滴弟勸兄酬何怨嗟

結還喜字

弟移居江陵所居何處昔者庾信遷歸江陵居宋玉宅羅含於江陵築茅舍而居兩賢俱有宅也但為時已久

今不知作誰氏居耳。庾信羅含俱有宅，何如客裏移居。但免暴露，使二宅之短牆尚在，無須更易。且從殘草客裏移居，但取庇蔭，倘二宅之喬木尚存，無用斬伐，亦可假花。夫庾信羅含遺跡固可求也。若蔣詡邵平，我長安故鄉人，亦可師也。當年蔣詡挂冠歸里，蓬蒿滿門。弟今卜築於二宅，願同蔣詡之徑。當年邵平爲素故侯，種瓜青門。弟今爲閑於二宅，願如邵平之瓜。春來秋去，作誰家。今直作蔣詡邵平家耳。前弟往藍田，曾與約曰：「此時同一醉，應在仲宣樓。」今正其時，我雖病酒，且爲弟開，勸酬之餘，真有樂不可支者。尚何怨嗟之有。

別李義

按李義，係道國之裔。李鍊子也。鍊在玄宗朝，曾遺祭沂山。東安公鍊宗室之賢，義能繼美。公係舒國後裔外孫。別詩情見乎詞。

神堯十八子，十七王。其門道國伯舒國實，惟親弟昆中外。

貴賤殊余亦忝諸昆。

六句叙淵源

丈人嗣王業。

丈人義父鍊

之子白。

玉溫

之子指義

道國繼德業請從丈人論丈人領宗卿肅穆古

制敦先朝納諫評直氣橫乾坤

六句子義父

建文章壯河間經

術存溫克富詩禮骨清慮不喧洗然遇知己談論淮河奔

六句子義

憶昔初見時小孺繡芳蓀長成忽會面慰我久疾魂

三峽春冬交江山雲霧昏正宜且聚集恨此當離尊莫怪

執盃遲我衰涕唾煩

以上叙別

重問子何之西上岷江源願子

少干謁蜀都足戎軒悞失將帥意不如親故恩少年早歸

來梅花已飛翻努力慎風水豈惟數盤餐猛虎臥在岸蛟

螭出無痕王子自愛惜老夫困石根生別古所嗟發聲爲

爾吞

以上規戒

高祖二十三子除早薨以事誅存十二太宗有天下
封王者十七人道國舒國十七王中之賢者夫本宗爲
重外族則輕中表之貴賤雖殊子爲道國裔孫我爲舒
國後裔之外孫親親之誼則誠忝竊昔者爾父鍊爲丈
人行能繼道國先王業今日子亦溫然如玉也然則子
能繼道國之業子父丈人實先之丈人在玄宗朝已蒙
在使職領宗卿爲國典刑無忝司直丈人嗣王業如此
所以子有曹植文章河間經術其溫克則富於詩禮其
清骨則慮亦不喧今日洗然相遇談論快心也憶昔相
逢于方襁褓曾幾何時便成丈夫顧我心方慰忽值離
筵當此三峽冬春江山晦冥而況所住者又岷江源也
今日崔旰雖已入朝楊子琳又復跋扈岷工爲以馬場
荆棘地非賢者所宜干謂與其往而失將帥意不如來
而叙親舊恩于少年者若見楊花便圖歸計慎此風水
莫戀盤餐誠以猛虎蛟螭如崔旰于琳之輩可虞也王
子幸自愛哉老夫困頓石根自分不復有爲惟是生離
死別古人所嗟今日發聲哭而又咽亦謂子係神堯子
孫道國賢王之後與予有中表之誼云爾○公祭外祖
毋文云紀國則夫人之門舒國則府君之外父錢箋曰
府君之外父者爲府君外王父也據此則公爲舒國外

孫之孫

送高司直尋封閬州

尋封閬州謂司直往謁封閬州也封爲閬州守後公送封王簿卽封閬州之子公亦曰王簿前閬州賢子

丹雀銜書來暮棲何鄉樹驂騑事天子辛苦在道路司直非冗官荒山甚無趣借問汎舟人胡爲入雲霧八句惜與司直

子姻婭間旣親亦有故萬里長江邊邂逅一相遇長卿消

渴再公幹沉綿屢清談慰老夫開卷得佳句時見文章士

欣然淡情素伏枕聞別難疇能忍漂寓良會苦短促溪行

水奔注熊羆咆空林游子慎馳驚以上叙別西謁巴中侯艱險

如跬步主人不世才先帝常特顧拔爲天軍佐崇大王法

慶淮海生清風南翁尚思慕公宮造廣厦木石乃無數初
聞伐松栢猶臥天一柱我病書不成成字讀亦誤爲我問

主人勞心練征戍

以上尋封閬州

周時赤雀銜書入豐止於昌門昌拜受之此赤雀之遇
也今銜書而來暮校何樹赤雀失所矣所以然者服驛
騶事天子倭遲周道臣子之職耳但司直係理官原非
冗末三巴本絕塞豈爲壯遊泛舟入此咄咄異哉所幸
者姻婦相逢邂逅叙闊長卿消渴一見而瘳公幹沉綿
一見而起清談入勝懷抱得舒其如伏枕方慰終成漂
寓何況行路艱難熊羆載道遊于此行我心所爲介介
耳開州爲巴中封閬州爲巴中侯司直此去西謂直蹕
步問况巴中主人具不世才舊爲先帝所眷顧於行伍
中拔爲天軍佐封龍崇大本朝法度不負先帝特顧之
寵往年出鎮淮海清風到今是封本王國楨幹大厦所
需者今徒老其才於天柱峯頭亦獨何哉近日蜀中多
故所在屯戍闕爲梓益都會封且勞苦戎旃庶今日閬
州猶昔年淮海昔佐天軍今練戍卒司直幸將此語達

之封侯也

錦樹行

今日苦短昨日休歲云暮矣增離憂霜凋碧樹作錦樹萬

壑東逝無停流

四句歎時

荒戍之城石色古東郭老人住青丘

飛書白帝營斗粟琴瑟几杖柴門幽

四句羈旅之感

青草萋萋盡

枯死天驥跛足隨羣牛自古聖賢多薄命奸雄惡少封公

侯

四句流落之感

故國三年一消息終南渭水寒悠悠

二句應東郭老人一

假五陵豪貴反顛倒鄉里小兒狐白裘

二句應天驥跛牛一段

生男

墮地要膂力生女富貴傾邦國莫愁父母少黃金天下風

塵兒亦得

用聖賢惡少兩句意結

今日苦短昨日已過不見碧樹化為錦樹逝水終無停
波平我何爲久處於此我東郭老翁本洛陽青丘人今
飛書白帝營求斗粟雖有琴瑟几杖徒添柴門幽况耳
夫青草枯死天驥隨牛聖賢薄命往往而是聖賢薄命
惡少封侯矣聖賢薄命困頓殊方惡少封侯得志邦國
矣我居夔以來故國消息三年一通雖終南渭水依然
如舊乃長安惡少非復往日所以五陵豪貴顛倒傾覆
鄉里小兒錦衣狐裘時事如此生兒不必聖賢但當惡
少蓋有膂力卽封侯可立至也若生女富貴雖傾邦國
天下風塵無所用之然則生女得寵固多黃金生男有
膂力亦差強人意哉

白帝城樓

江度寒山閣城高絕塞樓翠屏宜晚對白谷會深遊

四句白帝

城樓

急急能鳴雁輕輕不下鷗

二句感物

夷陵春色起漸擬放扁

舟

二句出峽

江之來也遠度關道城之嶺也高出危樓故翠屏非晚
對不宜白谷必深遊始會也於此有雁莊子一雁能鳴
一雁不能鳴請殺主人殺不能鳴者處今之世不能鳴
者或未必殺能鳴者或不能保故能鳴者反急急然也
於此有鷗海上之人每從鷗鳥遊其父命子取玩明日
之海上鷗鳥舞而不下夫下則爲人所取不下斯可無
患輕輕者惟不下飄然自得也雖然雁之急急當春思
歸鷗之輕輕所在遠舉夷陵春色一動白帝扁舟我亦
矣發

寄從孫崇簡

嵯峨白帝城東西南有龍湫北虎溪

二句所隱之處

我孫騎曹不

記馬業學戶鄉多養雞

二句言其能隱

雁公隱時盡室去武陵春

樹他人迷與汝林居未相失近身藥裹酒常攜

四句期與階隱牧

叟樵童亦無賴莫令斬斷青雲梯

二句期與終隱

夔州白帝山踞其東西其南北則有龍湫虎溪我孫居
此更有何事似爲騎曹而不問馬其王于猷耶亦學尸
鄉而多養雞其祝雞翁耶昔有龐公盡室而隱子是其
人否更有武陵問者迷津夔是其地否所幸與我林居
望衡相接採藥飲酒時復相依庶幾可偕隱耳但古人
肥遯相期永矢若使青雲有梯忽而斬斷則隱德不終
彼牧童樵叟最爲無賴慎之哉勿令山林深密地使若
輩踪跡操斤斧而入也○莫令斬斷句卽示從孫濟洵
米刈
蔡意

奉送卿二翁統節度鎮軍還江陵

二翁前權夔州
今復還江陵

火旗還錦纜白馬出江城
嘹唳吟笳發蕭條別浦清

四句
統軍

還江陵
寒空巫峽曙落日渭陽情
留滯嗟衰疾何由見息兵

四句
送
別之情

統軍則有火旗火旗行全軍行矣今日火旗已上錦纜而還二翁白馬隨出江城而去白馬出則吟筇俱發錦纜解則別浦自清我送卿翁至此向曉而出寒空起巫峽之曙抵暮而歸落日動渭陽之情老病干戈侵尋留滯我送舅氏爲此神傷也

白帝樓

漠漠虛無裏連連睥睨侵樓光去日遠峽影入江深

四句白帝

樓臘破思端綺春歸待一金去年梅柳發還欲攪邊心

四句

出峽之情

一望漠漠在虛無裏者何處其間睥睨亦連連而相續非白帝樓則樓懸絕塞則去日白遠峽臨大江則倒影宜深臘破則春歸矣將欲製春衣以出峽思端綺而恐不能誰爲假資斧以爲出峽需待一金而恐不得去冬身騎西閣白傷留滯豈梅柳二物還欲攪我邊心使留滯則必不然矣

夜歸

夜來歸來衝虎過山黑家中已眠臥

二句夜歸

傍見北斗向江

低仰看明星當空大庭前把燭噉兩炬峽口驚猿聞一箇

四句夜歸之景

白頭老罷舞更歌杖藜不睡誰能挪

二句夜歸之情

當夜歸時衝虎而過傍不見北斗仰不見明星前不見燭光後不聞猿啼山黑更深家人鼾睡此際誰能自遣者至於歸家不復衝虎傍見大江北斗低垂仰見當空明星獨大北斗低明星大把燭何爲者北斗低明星大山猿驚覺矣此際何以自遣也因而舞因而歌因而舞且歌杖藜於明星北斗燭炬猿聲前此際終何以自遣亦付之無可奈何而已○北斗長安在其下明星即啓明星若象也此星當空衆星退舍故獨見其大○公見北斗明星神往其處不覺且舞且歌不能成寐噉燭炬惡其亂明

曉望白帝城鹽山

徐步移斑杖看山仰白頭翠深開斷壁紅遠結飛樓

四句曉望

日出清江望暄和散旅愁春城見松雪始擬進歸舟

四句

望山之情

徐步必資斑杖資斑杖而仰白頭者看山故耳山有翠壁深處疑開山無紅樓遠勢若結此時曉山一帶亦沿江望耳喜日出而一望能清此時望山客情亦為旅愁耳幸暄和而旅愁得散夫暄和則已春春城而見松雪正臘破春初之候我之歸舟此時準發也

送韋贊善別

扶病送君發自憐猶不歸祇應盡客淚

承送君發

復作掩荆扉

承猶不歸

江漢故人少音書從此稀

應送君發

往還二十載歲晚寸

心違

應猶不歸

君今先發我扶病送者既羨君發還憐我未歸也所以
客中之淚不覺盡揮柴荆之扉依然復掩子去矣江漢
故人宜其益少音書從此誰復相
遇甘載追隨一朝言別豈我心哉

夜聞簫篴

夜聞簫篴滄江上衰年側耳情所嚮鄰舟一聽多感傷寒

曲三更歎悲壯

四句夜聞簫篴

積雪飛霜此夜寒

應夜

孤燈急管

復風湍

應滄江句

君知天地干戈滿不見江湖行路難

應鄰舟二句

簫管爲簫篴其聲悲又當夜深起自江上衰年側耳自
動去國懷鄉之感彼吹簫篴者我舟正鄰之鄰舟一聽
已足感傷况時當三更聲復悲壯此時舟以外霜雪淒
其舟以內孤燈明滅總管風湍哀鳴互咽彼吹者但知
天地內干戈載通獨不念江湖之客
行路甚難何爲故作此聲令感傷耶

前苦寒行二首

漢時長安雪一丈牛馬毛寒縮如蠟楚江巫峽冰入懷虎

豹哀號又堪記

四句苦寒

秦城老翁荆揚客慣習炎蒸歲絺絺

玄冥祝融氣或交手持白羽未敢釋

四句苦熱見苦寒是變

二章記異

冰雪亦常耳漢時凍及牛馬以爲異而記

之今號及虎豹甚於牛馬凍矣豈不異絕又堪記乎夫

玄冥司冬祝融司夏本有定候故夏需葛冬需裘獨變

不然我雖秦城老翁今作荆揚旅客其於炎蒸亦已習

慣絺絺之服冬日常施今雖苦寒玄冥難據恐祝融之

氣依然而交是冰雪入懷羽扇仍未敢釋耳○時今顛

倒諷朝廷之失政

去年白帝雪在山今年白帝雪在地凍埋蛟龍南浦縮寒

刮肌膚北風利

四句苦寒

楚人四時皆麻衣楚天萬里無晶輝

三足之鳥足恐斷羲和迭迭將安歸

四句志變

南雪從不到地今年不然宜乎蛟龍凍肌膚刮耳夫楚
地氣暖四時麻衣今楚天萬里日色不照又何爲哉彼
義和以馭日者是必日中有鳥三足東斷但不知義和
馭之竟安歸耶○太陽比君義和比相義和馭日使日
無光罪有所歸

晚晴

高唐暮冬雪壯哉舊瘴無復似塵埃崖沉谷沒白皚皚江

石缺裂青楓摧

四句雪

南天三旬苦霧開赤日照耀從西來

六龍寒急光徘徊

三句晚晴

照我衰顏忽落地口雖吟咏心中

哀未怪及時少年子揚眉結義黃金臺泊乎我生何飄零

支離委絕同死灰

六句自歎

高唐但宜雲雨今雪何壯哉雪一洗使舊瘴無塵埃雪壯矣雪一積使崖若沉谷若沒雪壯矣雪一壓使江石

裂青楓摧雪壯矣乃雪壯矣。霧又蔽之。苟非太陽焉能
開豁。俄而赤日來寒光散。衰顏一照。快意可知。乃
吟咏。心自感傷。若誠念天有晚晴。人無再壯。至於皓首
難欲復揚眉吐氣於黃金臺上。亦何可得。亦甘讓少年
自安。委頓。心同韓
安國之死灰而已。

復陰

方冬合沓玄陰塞。昨日晚晴今日黑。

黑爲風候二句切復陰

萬里飛

蓬映天過孤城樹。羽揚風直江濤簸。岸黃沙走雲雪埋天。

蒼兕吼。

六句寫風

君不見夔子之國杜陵翁。牙齒半落左耳聾。

二句自歎

天地閉塞。象爲合沓。一望淮玄陰耳。玄陰塞則天地黑。
黑爲大風之候。因而葉飛羽揚。江簸沙走。直至雲雪埋
蒼兕吼。夔子國之風烈矣。齒落耳聾。如杜陵翁者。何以
遣此。○復陰者。治而復亂之象。說到齒落耳聾。公有付

時事於不論不議
置理亂於不聞意

後苦寒行

南紀巫廬瘴不絕太古以來無尺雪蠻夷長老怨苦寒崑
崙天開凍欲折玄猿口噤不能嘯白鵠翅垂眼流血

六句苦寒

安得春泥補地裂

一句望治

巫廬二山皆屬南紀向無嚴寒今蠻夷長老莫不苦寒
直恐崑崙裂天開折而况猿吟若噤鵠翅低垂苦寒至
此庶幾東風解凍得春泥以補地裂而嚴寒可免夫冬
雪為陰氣所積春泥得陽氣始融陰極陽回否極泰轉
亂極治

生一也

晚來江間失大木猛風中夜飛白屋天兵斬斷青海戎殺
氣南行動坤軸不爾苦寒何太酷

五句苦寒

巴東之峽生凌澌

彼蒼迴幹那得知

二句自解

我大飛瓦風威猛矣此時青海諸戎應得天兵而斬斷故殺氣南行至動坤軸不然何嚴寒之酷烈風之甚人見已東暖峽亦生凌斷幾疑造物不仁豈知天意迴幹欲軼青海諸戎行此猛烈此中真宰焉得知也○一慰長老曰安得春泥補地裂意在逐繁元一新諸戎曰彼蒼迴幹那得知意在滅吐蕃

自夔出峽至江陵詩

大曆三年

元日示宗武

汝啼我手戰我笑汝身長

從宗武說起

處處逢正月迢迢滯遠

方飄零還柏酒衰病只藜牀

四句元日

訓諭青衿子名慙白首

郎賦詩猶落筆獻壽更稱觴

四句示宗武

不見江東弟高歌淚

數行

公自注弟豐在江左無消息

手戰老病可知。汝憐我不禁啼也。身長成人有望。我喜汝爲失笑也。今日又元日矣。客中元日到處相逢無奈。遠方終成流落。雖陳柏酒。祇戀蒸牀。汝之啼我不誠然哉。願汝身已長。我方欲訓汝。置身青衿。自傷老而無成。雖白首爲郎。甚慙一官落拓耳。乃賦詩遺懷。我雖手戰猶能落筆。獻壽賀節。汝旣身長。且復稱觴。但今日者我賦詩。汝稱觴。誠有父子之樂。不識弟在江左。當此元日。竟何如耶。

又示宗武

覓句新知律。攤書解滿床。試吟青玉案。莫帶紫羅囊。

以上示宗

武以詩學假日從時飲。明年共我長。

二句元日

應須飽經術。已似愛文章。

十五男兒志。三千弟子行。曾參與游夏。達者得升堂。

以上示宗武以經術

我欲訓諭子者。以汝覓句業能知律。以汝攤書亦能知解。夫我家詩學。不過熟精文選。文選中如張平子四愁。

詩何以報之青玉案等句試一吟焉諸詩可廢至若謝
家子弟好帶紫羅囊所當戒者今日汝雖爲我稱觴在
汝無容縱飲亦於假節且聊復從俗誠念汝年復一年
與我共長只轉盼間事而況少年讀書貴通經術大儒
學問何以文爲古人十五志學汝須立志以躋於三十
弟子之行彼三千人中升堂者惟曾參游夏誠通經術
安在十五男兒不可與於會參游夏哉○按公於宗武
最爲鍾愛一則曰聰慧與誰論一則曰驥子最憐渠一
則曰已伴老夫名此章則嘉之以新知律解滿床勉之
以青玉案戒之以紫羅囊飲酒則限之假且長成則期
其共我且望之以飽經術以曾參游夏責成之其
後收拾乞句卒先志者仍得之宗武子嗣業云

遠懷舍弟穎觀等

陽翟空知處荆南近得書積年仍遠別多難不安居

四句

江漢春風起冰霜昨夜除

二句

雲天猶錯莫花萼尚蕭

疎對酒多疑夢吟詩正憶渠

四句

舊時元日會鄉黨羨吾

廬

結還元日

穎在陽翟空知其處我曾云長葛書難得是也觀取妻
子到江陵雖得書而尚未晤是荆南猶陽翟耳穎羈陽
翟遠別猶然觀到江陵卽次未定幸春風起冰霜除正
雲天聚首花萼相對之日其如猶錯莫尚蕭疎何所以
非無酒也弟不在雖對酒而都疑夢非愛吟也弟不在
聊吟詩而志憶渠想當年身在里門時值元日一堂之
上兄弟傳杯杜陵鄉人誰不羨吾廬之盛今日一陽翟一荆南一江漢哉

太歲日

楚岸行將老巫山坐復春病多猶是客謀拙竟何人

四句客夢

之感閨闔開黃道衣冠拜紫宸榮光懸日月賜予出金銀
太歲日愁寂駕行斷參差虎穴鄰西江元下蜀北斗故臨秦

散地逾高枕生涯脫要津天邊梅柳樹相見幾回新

八句自傷

我領年客夔此行將老忽焉又春欲圖出峽祗緣多病
而况謀拙多不如人當此春王正月值戊申太歲之日
遙想天開黃道人拜紫宸復旦呈祥羣僚霑賚夫豈多
病拙謀如予者所得與此追維一出君門簞行永斷三
年巫峽虎穴爲鄰森森西九如依蜀客迢迢北斗獨照
秦墟所幸身居散地得脫要津自笑生涯惟有伏枕年
來楚岸梅花巫山柳色幾回相見尚其速圖出峽作歸秦計也

喜聞盜賊蕃寇總退口號五首

蕭關隴水入官軍青海黃河捲寒雲

二句寇退

北極轉愁龍虎

氣西戎休縱犬戎羣

二句退後

吐蕃寇靈州蕭關在靈州候路嗣恭破賊於此蕭關隴
水間官軍盡入矣斬首二千吐蕃遁去青海黃河諸處
塞雲盡捲矣夫吐蕃雖去官軍未敢解嚴所以長安北
極龍虎兵士之氣若轉愁者凡以西戎犬羊必盡驅乃
止尚可得而縱哉

贊普多教使入秦數通和好止煙塵二句言通好之得朝廷忽用

哥舒將殺伐虛悲公主親二句言開邊之失

吐蕃年來數為邊患非吐蕃故先是開元年間吐蕃贊普屢欲請和朝廷許之邊警遂弭後用哥舒翰節度隴西攻拔石堡收九曲地從此吐蕃生心公主之和親為虛矣夫公主下嫁本欲罷兵哥舒第邊適以開釁此往事之可歎者幸今已退耳

崆峒西極過崑崙馳馬由來入國門二句承上和好逆氣數年吹

路斷蕃人聞道漸星奔此句總退

崆峒山在西其西極為崑崙往年和好未絕諸蕃馳馬入貢國門者未嘗絕也數年來封豕薦食道路為斷今日靈州一捷蕃人漸奔豈獨吐蕃從此西域大小諸蕃莫不來享來王重有驍馬國門之盛矣

勃律天西采玉河堅昆碧盃最來多二句蕃人貢之物舊隨漢使

千堆寶少答胡王萬匹羅

此言朝廷待蕃之禮

勃律堅昆皆西域別種勃律出寶玉堅昆出碧盤向隨漢使納貢朝廷但報之者雖不必如藩服來朝修厚往薄來之禮亦須少答其誠彼以千堆寶我以萬匹羅於朝廷原無大損於達人則已榮施蓋許其內屬優以卽序豈非春秋之意與

今春喜氣滿乾坤南北東西拱至尊

紀地

大曆三年調玉燭

玄元皇帝聖雲孫

紀時

諸蕃奔享王修天下可幸無事矣自東而夷自西而戎自南而蠻自北而狄靡不帖然內附稽首至尊記之於史大曆以前無此盛也大曆三年調玉燭後之邇大曆者無異邇貞元玄肅以來無此盛也玄元皇帝聖雲孫後之仰雲孫者無異仰太宗此真時事可喜者

續得觀書迎就當陽居止正月中旬定出三峽

自汝到荆府書來數喚吾頌椒添諷詠禁火卜歡娛

四句續得

觀書舟楫因人動形骸用杖扶天旋夔子國春近岳陽湖發

日排南喜傷神散北吁

六句正月中旬定出三峽

飛鳴還接翅行序密

銜蘆

二句迎就當陽居止

俗薄江山好時危草木蘇馮唐雖晚達終

覬在皇都

結到趨朝

自汝迎家到荆來書二次矣未得續書雖頌椒轉添諷詠既得續書計禁火可卜歡娛我扁舟久繫從此當因人而轉移我肌骨久衰從此當扶杖而登岸况斗柄旋東夔峽之天行已轉陽春布暖岳湖之物色都新不亦發舟之日預排南喜出峽之時已散北吁乎我正月月中旬定出三峽况當陽居止弟復來迎此日飛鳴接翅而喜此時行序銜蘆而棲我回首江山俗雖薄而未嘗厭人屈指草木時雖危而原自生長今日當陽將就緒想長安此行安頓私人即作趨朝之計豈曰馮唐晚達絕意皇都也

人日二首

元日到人日未有不陰時

以下都承陰字

冰雪鶯難至春寒花較

遲雲隨白水落風振紫山悲蓬鬢稀疏疎久無勞比素絲

東方占一日爲雞至七日爲人自元日以前到人日民物皆在其中是日晴其物生育陰則災無日不陰則無物不災矣陰則冰雪多而鶯難至鶯不來此屬禽鳥可知陰則春色寒而花較遲花不開此爲穀實可知陰則水勢壯雲光隨之俱落陰則山氣沉風聲振之亦悲山水無不蕭條矣我一身垂老鬢髮稀疏疎已愧素絲何堪相比七日爲人人已如此○天寶以來至大曆年間朝廷皆小人用事陰長陽消天道以陰爲常

此日此時人共得一談一笑俗相看尊前栢葉休隨酒勝

裏金花巧耐寒

四句諷人

佩劍衝星聊暫拔匣琴流水自須彈

二句自謂

早春重引江湖興直道無憂行路難

二句出峽

此日爲人日。微論貴賤各有此日。但知此日爲可喜。不知此日之陰。爲大可憂。乃此談彼笑。若以災異爲可謔。浪者然。尊前柏葉。爲人日設。如此恒陰。非縱飲時。且休隨夫酒。勝裏金花。爲人日剪。如此恒陰。非爭妍日。且巧耐夫寒。彼俗自談笑。我豈隨俗者。我有佩劍。光可衝星。暫拔以壯我志。我有匣琴。音如流水。且彈以寫我憂。夫我之劍。惟張華識耳。俗未必識也。拔亦聊拔我之琴。惟鍾期知耳。俗未必知也。彈只自彈。乘此早春。我將仗劍。攜琴逝矣。夫行路之難。不在山水。在人情。之反覆。若使直道而行。到處坦坦。又何憂乎行路難哉。○直道句。公正爲談笑者。下砭談笑者。安危利害。留其不憂者。大可憂。直道而行者。趨吉避凶。其多憂者。所以無憂。江湖興。卽出峽下。

江梅

梅蘂臘前破。梅花年後多。絕知春意早。最奈客愁何。雪樹元同色。江風亦自波。六句江梅故園不可見。巫岫鬱嵯峨。客情

藥破臘前花開年後一花而占兩歲矣其如春意
動臘前客愁則轉添年後何而况臘前白雪彷彿如
年後東風誰復能禁江上梅花伊可愁也故園梅
花亦可懷也故園不見巫岫嵯峨奈此江梅哉

庭草

楚草經寒碧庭春入眼濃舊低收葉舉新掩捲芽重

四句庭草

步履宜輕過開筵得屢供看花隨節序不敢強爲容

四句庭草

感之

楚地暖故草色經寒而還碧至於春入眼彌濃矣經寒
則舊低低則葉收今收而又舉入春則新掩掩則芽捲
今捲而且重夫今日之草乃異日之花步履宜輕者恐
損其芽也開筵得供者將有其花也大抵人情當其花
則愛之玩之方其草則忽之置之豈知在人看花自有
節序今日尚非其時在草開花亦有時候今日亦何敢
強爲容以媚人哉○結
句就草上說最見有品

將別巫峽贈南卿兄瀼西果園四十畝

苔竹素所愛萍蓬無定居遠遊長兒子幾地別林廬

四句追有

雜藥紅相對他時錦不如

二句果園

具舟將出峽巡園念攜鋤

正月喧鶯未茲辰放鵲初雪籬梅可折風榭柳微舒托贈

卿家有因歌野興疎

以上將別巫峽贈南卿果園

殘生逗江漢何處狎

漁樵

二句自傷

我隨地栽竹漢西之竹亦所愛者其如浮生若萍無定踪何數年遠遊無一成就碌碌兒輩隨地長成至於林廬之別不知幾處就此四十畝中目前雜卉似無足觀他日禮花雖錦不若今日具舟臨別又復巡園念昔攜鉏不忍竟置耳正月喧鶯尚嫌其早茲辰放鵲已覺其遲遠顧園中在雪籬者梅已堪折在風榭者柳亦將舒今贈卿家卽爲卿有也從此殘生飄飄江漢彼江漢甚大殘生甚微以殘生逗江漢間不過漁樵作伴茫茫天

地稅駕
焉知哉

送大理封王簿五郎親事不合却赴通州王簿前閬州
賢子余與王簿平章鄭氏女子垂欲納采鄭氏伯父京
書至女子已許他族親事遂停

禁巒去東床趨庭赴北堂風波空遠涉琴瑟幾虛張

四句送大

理十六字已盡

渥水出騏驎崑山生鳳皇兩家誠欵欵中道許蒼

蒼頗謂秦晉匹從來王謝郎青春動才調白首缺輝光玉

潤終孤立珠明得暗藏

以上申明親事不合之故

餘寒坼花卉恨別滿

江鄉

二句結還送別

謝泚尚晉武帝女呼爲禁巒今禁巒而去東床親事不
合矣趨庭而赴北堂却赴通州也赴北堂則風波遠涉

此涉爲空涉。去東床則琴瑟幾張欲張而竟虛張。但王
薄係閭州子。是渥洼驥驥所平章。鄭氏女子。又崑山鳳
凰。前者兩家垂欲納采。不圖中道又許他族。我意鄭氏
秦晉之匹。必如封家王謝之郎。乃封家五郎。誠然青春
年貌。而有才調。誰知鄭氏女子。竟使白首偕老。而失輝
光。於是玉潤女婿。孤立無稱。珠明女子。幾於閨投。當此
春寒。花卉方坼。沂江而歸。流恨何如耶。

杜詩闡卷二十九

終

杜詩闕第三十卷目

出瞿唐峽

巫山縣宴別

津亭留宴

寄唐使君

南征

歸雁

地隅

歸夢

泊松滋

行次古城

乘雨入行軍宅

上巳日

宴書堂

書堂飲既夜

江南逢李龜年

送李長史

送馬大卿

湖亭泛舟

蠶穀行

三絕句

和宋少府

重泛前湖

惜別行

楊長寧宅

多病洸熱

喜雨

水宿遣興

號國夫人

遺悶

新樓成作

又奉衛王

江邊星月

舟月

舟中

荆南述懷

江漢

遠遊

送薛明府

獨坐

哭李常侍

哭李尚書

重題

宴王使君宅

久客

杜詩闡卷三十

同學王日藻却非氏隲

華亭盧元昌文子氏述

武林弟 璉漢華氏訂

江陵詩 大曆三年

大曆三年春白帝城放船出瞿唐峽久居夔府將適江

陵漂泊有詩凡四十韵

老向巴人裏今辭楚塞隅入舟翻不樂解纜獨長吁

四句提綱

窄轉深啼欬虛隨亂浴鳧石苔凌几杖空翠撲肌膚疊壁
排霜劒奔泉濺水珠杳冥藤上下濃淡樹榮枯神女峯娟

妙昭君宅有無曲留明怨惜夢盡失歡娛

以上寫
峽景

擺闔盤

渦沸欹斜激浪輪風雷纏地脈冰雪雁天衢鹿角真趨險

狼頭似跋胡

公自注鹿角
狼頭二難名

惡灘寧變色高臥負微軀書史

全傾撓囊裝半壓濡生涯寧臬兀死地脫斯須不有平川

決焉知衆壑超

以上叙
峽險

乾坤霾瘴海雨露洗春蕪鷗鳥牽

絲颺驪龍濯錦紆落霞沉綠綺殘月墮金樞泥笋苞初荻

沙茸出小蒲雁兒爭水馬燕子逐檣烏絕島客煙霧環洲

納曉脯

以上寫
江景

前聞辨陶牧轉盼拂宜都縣郭南畿好津

亭北望孤勞心依憩息朗詠劃昭蘇

六句將
到江陵

意遣樂還笑

衰迷賢與愚飄蕭將素髮汨沒聽洪爐丘壑曾忘反文章

敢自誣此生遭聖代誰分哭窮途臥疾淹爲客蒙恩早
儒廷爭酬造化樸直乞江湖灝瀕險相迫滄浪深可逾浮
名尋已已嬾計却區區以上漂泊之感喜近天皇寺先披古畫圖
公自注此寺有王右軍張僧繇畫孔子十哲像應經帝子渚同泣舜蒼梧朝士兼
戎服君王按湛盧旄頭初倣擾鵲首麗泥塗甲卒身雖貴
書生道固殊山塵皆野鶴歷塊匪轅駒伊呂終難降韓彭
不易呼五雲高太甲六月曠搏扶回首黎元病爭權將帥

誅

此段感時事

山林托疲茶未必免崎嶇

結還自已漂泊

我移居白帝城自大曆元年春至今春仍辭白帝城而去焉我當放船忽然不樂者亦爲漂泊之故耳放船時峽窄矣船從窄處而轉還聞啼猿之聲峽虛矣船隨虛處而放但見浴兒之影於時峽際石苔直凌几杖峽間

空翠近撲肌膚。峽壁層層若排劍戟。峽泉滾滾若灑珠
璣。而且杳焉冥焉。垂於峽者。懸分上下。濃焉淡焉。綴於
峽者。樹雜榮枯。峽有神女峯。雲雨之夢已矣。峽有昭君
宅。琵琶之曲空留。峽景如此。從此出峽。棹之擺而復門
也。盤澗爲瀟。鰲之歎而更斜也。激浪爲輪。盤澗沸而聲
若風雷。激浪輪而勢如水雪。鹿角與狼頭爭險。不變色
而高臥。有妓書史與囊裝半濡。當泉兀而死地。幸脫險
險如此。益歎衆壑歸趨。都山平川奔決耳。少焉去險。卽
平而見江間之景。天地如浮海也。雨露能生物也。鷗鳥
迎風牽絲。俱颺。驪龍出水。濯錦互紅。曉霞落而綠綺俱
沉。缺月殘而金樞欲壞。苞於泥中者。初秋之笋。出於沙
際者。小蒲之葦。水中之馬。與雁爭馳。檣上之鳥。隨燕而
舞。遠瞻絕島。烟霧能容。近瞰環洲。曉脯亦納。我久居夔
府。何爲至此。益將前赴江陵也。幽牧在望。宜都早臨。荆
爲南畿縣郭。何好夔忽。北眺津亭。已孤。所以勞心遠行
者。謀憩息之地也。不覺朗咏杼懷者。有昭蘇之幸也。雖
得意遣情。偶供笑樂。乃衰年迷路。何論賢愚。自顧飄飄。
但餘素髮。偶然用沒。亦聽洪鑪。丘壑百年。常有終焉之
志。文章到老。豈無自命之思。惟是生聖代。不能有爲。歷
窮途。不免於哭。然臥病以來。彈淹留客路。乃蒙恩早歲。

亦曾厠儒官。爲房琯而廷爭。得張鎰而寬釋。顧此江湖
餘生。無非造化遺體。所以今日澗瀕之險。聽其相迫。此
後滄浪之深。何妨竟逾。浮名何在。頗計可捐。此我一生
漂泊大致也。於是上直都入古寺。少焉經帝子望蒼梧
披哲像。歎儒術之久淹。泣蒼梧。想先帝之遺烈。當年肅
宗釣臺。享士。涿鹿親戎。掃旄頭。似復之。剗塵清。鶴首泥
塗之腥穢。乃名器輕而甲卒皆依金紫。詩書賤而宰相
罕用儒生。如張鎰房琯。皆出塵鶴。歷塊駟也。而致損棄
伊呂。如李泌。衡山之駕不返。韓彭如子儀。朝恩之譖遂
行。雖五雲之下。賢人聚焉。徒高太甲而已。六月之息。大
鵬徙焉。有扶搖去而已。誰肯爲朝廷用命者。所由黎元
之病至今未瘳。將帥之爭。雖誅何益。我山林疲茶。不知
所歸。世路崎嶇。正未有艾。盟唐之險。雖過身世之危。正
多。然則漂泊之感。何時已耶。○爭權將師。斷指來瑱。裴
英。裴茂。謀奪瑒位。宜曰爭權。茂先賜。○太甲出說林。越
死瑒隨死。此襄陽已事。因江陵及之。○破吳太甲傷。

巫山縣汾州唐使君十八弟宴別兼諸公攜酒樂相送

率題小詩於屋壁

臥病巴東久今年強作歸

二句至巫山縣

故人猶謫宦茲日倍多

違接宴身兼杖聽歌淚滿衣諸公不相棄擁別有光輝

六句

別宴

我臥病巴東爲時已久自分投老三峽今不得已作歸計况故人謫宦此別倍難接宴之餘身扶兼杖歸真強也聽歌之際淚下滿衣意真違矣諸公不棄咸攜酒樂擁別之時老人真借光輝於歸揖有榮施矣奈故人何
春夜峽州田侍御長史津亭留宴得筵字

北斗三更席西江萬里船杖藜登水榭揮翰宿春未白髮

須多酒明星惜此筵

六句春夜津亭留宴

始知雲雨峽忽盡下牢邊

二句點還峽州

北斗三更酒筵初秩乃西江萬里之船適至客船兼夜行也於時津亭之上杖藜而登春夜之大揮翰而宿但

我年已老或者不勝杯軍豈知我雖白髮正須多酒惟
是盛筵不再後會難期仰見北斗迢迢殊爲明星惜此
盛筵耳當船自西江來時夜泊夷陵尚以爲峽路未盡
至酒闌天曉倚亭一望始知船到夷陵從前雲雨之峽
至此已盡而萬里船已在下牢邊也

敬寄族弟唐十八使君

與君陶唐後盛族多其人聖賢冠史籍枝派羅源津

四句
叙唐

杜淵源

在今最磊落巧僞莫敢親介立實吾弟濟時肯殺身

物白諱受玷行高無汙真

六句美
其氣節

得罪永泰末放之在溪

濱鸞鳳有鍛副先儒曾抱麟雷霆霹靂長松骨大却生筋一

失不足傷念子孰自珍

以上叙
其被請

泊舟楚宮岸戀闕浩酸辛

除名配清江厥土巫峽鄰登陸將首途筆札枉所申

以上
叙唐

將去歸朝病肺叙情思重陳春風洪濤壯谷轉頗彌旬

我能泛中流塘突難續噴長年已省施慰此貞良臣

以上寄詩

送別

自虞以上為謝唐氏在周為唐杜氏是我與君皆陶唐
後人也已往聖賢冠於史籍後來支孤衍其津源今日
稱磊落者惟使君一人使君積巧為能介立故其濟時
艱也肯殺身以殉之夫巧為者見容於人介立者不容
於世因而傷之者至矣彼物之白者終不受玷行之高
者豈至污真故仍得罪放逐於江濱不肯依違苟容於
朝寧讓以鸞鳳不免錄勛宜尼籍至泣麟夫雷聲長松
固其所也骨大生筋又何害也與其嗟失孰若自珍子
今舟泊楚宮心依魏闕名除吏籍身竄清江彼清江在
施州與巫峽鄰近江至辰州而止此去必然登陸從此
筆札猶望在申耳我歸朝病困叙舊情殷當此春風江
上濤洪谷轉流中流犯難癘長年三老理損而待念爾
貞良中心耿耿切敢寄此詩以慰別路云○磊落二字公
于星曰磊落星月高於馬曰騰驤磊落三萬匹於鶴曰

磊落如長人於人曰君看磊落士又曰磊落映時賢於
書曰磊落字百行於事曰磊落貞觀事此於使君則曰
於君最磊落註家於發秦州詩磊落
星月高句必引古詩以實之亦迂矣

南征

春岸桃花水雲帆楓樹林

二句南征之路

偷生長避地適遠更需

襟

二句南征之故

老病南征日君恩北望心百年歌自苦未見有

知音

四句南征之情

春岸溶溶桃花水壯雲帆渺渺楓樹林深我泛泛於此
大豈得已自憐生不逢辰長謀避地所適更遠但有需
襟夫避地則老病南征此身愈南需襟則君恩北望此
心愈北不知者謂我南征耳豈知我北望之心卽知我
者謂我北望耳豈知我北望之故百年心事
徒托哀歌誰爲知音者察我歌中之意哉

歸雁

聞道今春雁南歸自廣州

二句許辭

見花辭漲海避雪到羅浮

二句

是物關兵氣何時免客愁

二句感時

年年霜露隔不過五

湖秋

結還正意

廣州極南雁所不到今春之屬獨從廣州北歸從未聞
者自廣州歸則知今春見花必辭漲海去冬避雪必到
羅浮也今日西北為戎馬之鄉東南少兵革之氣雁避
兵歸矣客愁則何時免耶要之自廣州歸原屬異事年
年霜露時及衡陽而路隔何嘗過漲海到羅浮而過五
湖今日歸雁故足紀耳○按大曆二年嶺南節度徐浩
奏陽雁來乞編入史從之先是五嶺之外荆雁不到浩
以陽為君德雁隨陽者臣隨君之義故奏史又稱浩貪
而後嘗傾南方珍玩以賂元
載歸雁一章見浩奏為誣

地隅

江漢山重阻風雲地一隅

二句地隅

年年非故物處處是窮途

喪亂秦公子悲涼楚大夫平生心已折行路日荒蕪六句地隅

感之

出峽江行山還重阻天隅雖別仍在地隅况眼中所見
都非故物此身所歷盡是窮途昔王粲爲秦川公子避
亂荆州我遭時喪亂卽今日之秦公子屈原爲楚大夫
被放湘水我悲涼流落卽今日之楚大夫平生壯心消
磨殆盡行路至此日覺荒蕪稅駕竟何處也

歸夢

道路時通塞江山日寂寥偷生惟一老伐叛已三朝四句歸夢

之雨急青楓暮雲深黑水遙夢歸歸未得不用楚辭招四句
不得

冠亂未平道遶多懷以至行人稀而江山寂寞歸路真
茫茫矣自歎避地人間長作偷生遺老坐使遭時多故

屢經伐叛王師夫伐叛煩三朝聖主而倫生有一老優游興言及此急作歸計耳乃江上青楓南征雨急雍州黑水北望雲漢豈無歸夢夢亦徒然既不得歸雖有楚辭招魂何益哉

泊松滋江亭

紗帽隨鷗鳥扁舟繫此亭

二句泊舟

江湖深更白松竹遠還青

二句亭景

一柱全應近高唐莫再經今宵南極外甘作老人星

四句泊亭之情

紗帽欹側隨鷗上下我復何心簪笏今日正喜扁舟閑繫此亭耳凡水深渚者必黑江湖之水深而愈白凡樹遠則難青松竹之色遠而更青亭景佳矣一柱觀在江陵去松滋漸近高唐觀在巫峽距松滋已遙夔州為南極今宵在夔州外是今宵在南極外我本老人星今宵之老人星已為南極外之老人星從此扁舟長與鷗伴趨朝非我事矣○公對嚴武自命為老人星少微星茲望南極自命為老人星

行次古城店泛江作不揆鄙拙奉呈江陵幕府諸公

老年常道路遲日復山川白屋花開裏孤城麥秀邊

四句行次

古城店

濟江元自潤下水不勞牽風蝶勤依棹春鷗嬾避船

四句

王門高德業幕府盛才賢行色兼多病蒼茫汎愛前

公自注陽城郡王衛伯玉為江陵節度使○四句奉呈之意

老年行役復到古城但見屋隱花間居然村店城臨麥
上疑是農刻今日泛江不似峽內有兩岸之窄從此下
水不比峽船須百丈之牽而况傍棹依依喜多情之風
蝶隨船泛泛有似我之春鷗而王門在望矣先是今上
幸陝以郡王有幹畧拜荆南節度尋封郡王王門德業
既高幕下賢才必盛我孤舟老病前路蒼茫不無望於
東道賢主竊恐蒼茫而來汎愛靡托
未識幕府諸公能為我故人施否

乘雨入行軍六弟宅

晴乃凌雲罷春城帶雨長水花分塹弱巢燕得泥忙

四句乘雨

令弟雄軍佐凡材汚省郎漂萍忍流涕衰颯近中堂

四句人宅

當此曉角聲傳春城雨濕水花有離披之患乘雨而銜泥者惟有燕耳因念行軍六弟遂乘雨而入宅弟今強仕原為軍佐之雄我已迂疎空玷省郎之職自傷萍梗值此衰齡忍涕升堂亦復何心也

上巳日徐司錄林園宴集

鬢毛垂領白花藥亞枝紅欹倒衰年廢招尋令節同薄衣

臨積水吹面受和風

六句上巳宴集

有喜留攀桂

挽招尋句

無心問轉

蓬

挽衰年句

鬢自白也花自紅也自分衰年久廢薄幸令節同招也而况上巳有修禊之舉薄衣從濕隔水何妨吹面不寒當風能受劉安招隱士云攀援桂樹兮聊淹留我非隱士司錄則似淹留我者雖老人行踪有若轉蓬既與佳

宴何不暫爲司餘淹山也○薄衣非厚薄之薄乃依薄之薄言水薄衣上意也○使風詩亦曰水氣薄衣

宴胡侍御書堂

公自注李尚書之芳鄭秘監審同集得歸字韵

江湖春欲暮墻宇日猶微閣開書籍滿輕輕花絮飛

四句書堂

翰林名有素墨客興無違今夜文星動我儕醉不歸

四句宴集

江湖之春已當遲暮墻宇之日尚有微光日微故書籍無色春暮故花絮亂飛顧此書堂之宴非翰林墨客不與諸公或爲翰林其各有素或爲墨客其興不違翰林墨客皆文星也公之夜文星相聚而動我儕不醉無歸可耳

書堂飲既夜復邀李尚書下馬月下賦絕句

湖上林風相與清殘尊下馬復同傾

二句題面

久拚野鶴如雙

養遮莫鄉雞下五更

二句情興寫

書堂飲罷湖風襲人喜此殘尊邀君下馬蓋因我之雙鬢久拚如鶴不醉何爲直至鄉雞唱曉漏下五更痛飲

不惜也

江南逢李龜年

天寶中李龜年承上寵遇於東都大起第宅亂後流落江南每遇良辰勝景爲人歌數闕題曰江南逢李龜年

六字腸斷

岐王宅裏尋常見崔九堂前幾度聞

公自注崔九即殿中監崔九中書令湜之

弟正是江南好風景落花時節又逢君

上二句憶下二句逢

猶是李龜年昔相見於岐王宅裏度曲於崔九堂前彼一時也今竟流落江南哉江南風景非不佳聽白髮梨園已非舊時江南何地落花何時而君來此地逢君此時耶

奉送蘇州李二十五長史丈之任

星坼台衡地曾爲人所憐

二句謝其父

公侯終必復經術竟相

傳食德見從事克家何妙年一毛生鳳穴三尺獻龍泉

美長史

赤壁浮春暮姑蘇落海邊客閒頭最白惆悵此離筵

四句送別

昔爾父儼位台衡遭張華星墜之禍至今爲人所憐然公侯子孫必復其始如漢楊震李固之後皆然况經術相傳如華父子位至宰相易訟六二食舊德長史能食舊德蒙九二克家長史必然克家南朝謝鳳爲鳳毛長史名家卽鳳毛也楚王有劍名龍泉長史利器亦龍泉也今由江陵而發江上赤壁正浮春暮望東吳而行吳郡姑蘇直到海邊一時送長史之任者坐客之中我年最老當此離筵旣嘉長史又念厥父何以爲情也○按張華傳少子避以中台星坼勸華避位華不從竟被誅今以言長史父必罹張華之禍張華之誅因張林等責其儼位宰相太子廢不能死節故長史父難亦必在良梯建寧間

暮春江陵送馬大卿公恩命追赴闕下

自古求忠孝名家信有之

二句切恩命赴闕發議

吾賢富才術此道

未磷緇王府標孤映霜蹄去不疑激揚音韻徹難甚衆多

推潘陸應同調孫吳亦異時

又句美之

北辰徵事業南紀赴恩

私卿引昇金掌王春慶玉墀薰風行應律湛露卽歌詩

叙恩命赴闕

天意高難問人情老易悲尊前江漢濶後會且深

期四句別意

自古求忠臣必於孝子門惟忠且孝名家有之耳大卿才術既富於忠孝之道未嘗磷緇而况玉質孤標霜蹄千里音韻並美華衆推文章則潘陸齊驅武畧亦孫吳再世今日北辰之上徵其事業將求忠於孝恩命遠應也南紀之路赴其恩私將移孝作忠追赴闕下也計卿此行升卿月度王春披薰風歌湛露皇恩豈有極哉我窮而玉尺老爲世虞尊前江漢後會難期行矣馮卿無忘此別哉

暮春陪李回書李中丞過鄭監湖亭泛舟得過字

海內文章伯

點二李

湖邊意緒多

點湖亭

玉尊移晚興桂棹指

酹歌春日繁魚鳥江天足芰荷

四句泛舟

鄭莊賓客地

點鄭監

衰

白遠來過

結還陪泛

吾唐揚州王勃為文章伯今推尚書中丞矣而况鄭公湖亭意緒亦多名人勝地適相當耳於是泛舟玉尊之酒晚興淹留桂棹之聲酹歌互答當此春前魚鳥飛躍無邊江上芰荷點綴不乏似此勝地宜在嘉賓衰白如余何堪叨竊乃遠來集此殊覺不倫也已

蠶穀行

天下郡國向萬城無有一城無甲兵

二句見蠶穀所由荒

焉得鑄甲

作農器一寸荒田牛得耕牛盡耕田蠶亦成不勞烈士淚

滂沱男殺女絲行復歌

五句願望之詞

天下莫大於我唐乃數年來無一城無甲兵無一城有
儲穀也爲今日計遠銷天下兵篇爲犁鋤召民墾種則
田穀熟蠶桑成不但烈士涕收天下耕夫盤
婦飽穀服絲且行歌太平也恐不可得耳

三絕句

前年渝州殺刺史今年開州殺刺史

二句叙事

羣盜相隨劇虎

狠食人更肯留妻子

三章都蒙此句

三章紀亂神史之失猶記前年渝州之亂曾殺刺史
如何今年開州之亂又殺刺史凡此羣盜相率食人甚
於豺虎肯更留人妻子不食哉其淫污有不忍言者不
如食之爲愈矣○舊註謂殺刺史者吳璘翟封討平之
者杜鴻漸楊子琳都諤公第三章言之賊前兵馬雖號
雄朝廷自撤禁軍縱暴畧與羌渾同是作亂者羌渾
二十一
家同入蜀惟殘一人出駱谷

此言被虜歸者

自說一女

臂時回頭却向秦雲哭

二句出駢谷者之言

二十一家被擄入蜀吞噎所餘只留一人此一人者出駢谷而歸其妻孥已為賊得故自言臨別時二女嚙臂回首秦雲不禁慟哭一人幸耳彼二十家妻子留身被戮者慘更何如

殿前兵馬雖驍雄縱暴畧與羌渾同

殺刺史者羌渾聞道殺人漢

水上婦女多在官軍中

二句正言縱暴

殿前兵馬神策軍也朝廷任川中人領禁軍平禍亂豈知縱暴與羌渾等殺人漢上與食人同擄婦軍中與留妻子同是亦盜賊而已

和江陵宋大少府暮春雨後同諸公及舍弟宴書齋

渥注汗血種天上麒麟兒才士得神秀書齋聞爾為

四句諸公

書齋棣華晴雨好綵服暮春宜

二句點暮春雨後兼映舍弟

朋酒日歡

會老夫今始知

二句和詩

諸公爲汗血種麒麟兒日間書齋賦詩含弟亦與也棠
棣之華而晴益好玃獨之服春着更宜我於聞時想見
書齋中情景如此似此歡會必然日有老夫今始聞之
今始知之此詩亦今始和之自分衰頹不得厠身於汗
血麒麟棣華綠服和詩之興未敢出諸公後也

宇文晁尚書之甥崔或司業之孫尚書之子重泛鄭監

前湖

郊扉俗遠長幽寂野水春來更接連

二句前湖

錦席淹留還出

浦葛巾欹側未迴船尊當霞綺輕初散權拂荷珠碎却圓

四句

不但習池歸酩酊君看鄭谷去黃緣

二句重字寫

郊居遠俗地接南湖春水連天若有待於重泛者李尚
書甥爲宇文晁司業孫尚書子爲崔或或遊其處錦席

張焉錦席流連爲時久矣更有興而出前以老夫願其
問葛巾何陋葛巾歛側客亦醉矣尚未擬於回船於時
湖上霞光輕散導前之綺浦中荷水碎拂權尾之珠席
可收船可回矣前此陪李尚書湖亭之泛已爲習池醪
酌今日同二子前湖重泛接應鄭谷者又
貧緣而釋絡如此愛此湖上頗有佳會也

惜別行送向卿進奉端午御衣之上都

肅宗昔在靈武城指揮猛將收咸京向公泣血灑行殿佐

佑卿相乾坤平逆胡冥寞隨煙燼卿家兄弟功名震麒麟

閭闔鴻雁行紫極出入黃金印

以上敘向卿世業

尚書勲業超千

古雄鎮荊州繼我祖裁縫雲霧成御衣拜跪題封賀端午

以上進御衣

向卿將命寸心赤青山落日江湖白卿到朝廷說

老翁漂零已是滄浪客

以上送別

猶憶先帝駐蹕靈武時臨將如雲一指揮而咸京遂收
此時扈從行在灑血矢忠者卿家向公也先帝指麾向
公輔佐而乾坤平煙塵捕功在中興如此顧何公與卿
兄弟也一時功名震麒麟閣上雙書雁行紫極門前
同懸金印濟美又如此今日尚書衛伯玉德業冠古維
維郭州無異我祖征南將軍時值端午御衣初成尚書
拜題而授向卿向卿將尚書命遂望上都進發也向卿
赤心如懸白日念予漂泊久遠賜廷猶望向卿於進衣
日將老翁近况一達朝廷使知滄浪江上尚有扈從舊
臣今日無意雲霄已作飄零逐客也○公與向公同是
扈從臣在朝日端午賜衣曾明恩眷故於進衣因時感
懷有飄零老翁句向公向卿是兩人故曰卿家兄弟
夏曰楊長寧宅送崔侍御常正字入京探韻得深字

醉酒楊雄宅升堂子賤琴

二句楊長寧宅

不堪垂老鬚還對欲分

襟天地西江遠星辰北斗深

四句送別

烏臺俯麟閣

點絳脣長

夏白頭吟

結遺夏日探韻

此長寧宅，卽楊雄宅。我與二子，醉酒其處。此堂上琴，是
予賤琴，我與二子，升堂聽之，所不堪者，攬垂鬢對分襟
耳。欲分者，西自西北，自北耳。二子此行，侍御烏臺，自俯
正字之麟閣，我當長夏，攬衰鬢，吟白頭，雖探韻賦詩，亦
復何情哉。

多病執熱奉懷李尚書

衰年正苦病，侵陵首夏何須氣鬱蒸。二句多病執熱大水森茫炎

海接奇峯，砒兀火雲升。二句承首夏句思霑道暍，黃梅雨敢望宮

恩玉井冰。二句承衰年句不是尚書期不顧，山陰夜雪興難乘。二句

懷

衰年而病，有似侵陵，病亦侮老也。首夏尚非鬱蒸，
目夏鬱蒸似助侵陵者，而爲虐。此時大水森茫，無非積
熱之海。奇峯砒兀，亦是助熱之雲。執熱所由難解耳。
此時惟黃梅雨，火雲如此，安得雨耶？是道暍徒悲思沾

何日計此時惟玉井米炎海如此安得米耶况宮恩永
斷敢望寵頒彼尚書有期會狀不可不赴今日我非不
顧尚書之期因無夜雪不能
乘興聊爾奉懷以白遣云

喜雨

南國旱無雨今朝江出雲入空纔漠漠灑迥已紛紛四句

巢燕高飛盡林花潤色分晚來聲不絕應得夜深聞四句

他雨不足喜南國久旱故爲可喜但見雲入於空漠漠然耳雨灑於迥紛紛然耳此時巢燕避雨高飛欲盡林花得雨潤色羣分晚來聲猶不絕夜深料得還聞不誠可喜哉

水宿遣興奉呈羣公

骨鈍仍多病逢迎遠復迷耳聾須畫字髮短不勝篋四句

澤國雖勤雨炎天竟淺泥小江還積浪弱纜且長堤四句

泊舟

歸路非關北行舟却向西暮年漂泊恨今夕亂離啼童穉
頻書札盤餐詎糝藜我行何到此物理直難齊高枕棚星
月嚴城疊鼓鞞風號聞虎豹水宿伴鳥鵲異縣驚虛往同
人惜解攜蹉跎長泛鵲展轉屢聞雞以上水宿情景疑疑瑚璉器
陰陰桃李蹊餘波期救涸費日苦輕齋杖策門闌邃肩輿
羽翮低自傷甘賤役誰愍疆幽棲八句奉呈羣公巨海能無釣浮
雲亦有梯勲庸思樹立語嘿可端倪贈粟困應指登橋柱
必題丹心老未折時訪武陵溪八句遣興

迂疎老病不合時宜雖欲逢迎其如道遠多迷何今日
泊舟水次在澤國之思雨雖勤乃炎天之積水終涸幸
而小江有浪弱纜且維我何日歸耶夫我之歸路本欲
北向秦中今乃非關北我之行舟正苦南征江漢今乃

更向西南轅北轍，俵俵何之暮年已可傷。今夕彌足對
也，童兒之書札空移故人之盤餐。難問人生到此物理
之不可解者，此時水宿仰見星月，翻光枕前，側聽鼓鼙
傳更城上風，嗥虎豹客類，鳬鷖誰問我窮者。今日江陵
異縣，驚爲虛往，在處同人，恹恹解攜，泛鷁茫然，聞雞欲
起，是有望於羣公耳。在羣公皆瑚璉器，其門第亦桃李
蹊，何惜餘波少潤涸轍，乃杖策而門，關苦遠，肩輿而羽
翮，嗟低祇益悲傷，自甘賤役，有誰憐恤，勉強幽棲而已。
詎知大海堪釣，浮雲有梯，老大功名，尚未可知，平生語
嘿，亦非無故。今日暫爲貸粟，期魯肅之濟周，瑜他日自
許題橋，若相如之乘駟，馬丹心尚在，莫輕垂老之夫，武
陵有源，不拒問津之客，寄語諸公，從此逝矣。○此羣公
卽行次古城店時所呈幕府諸公，然則蒼茫汎愛前此語，有謂公毅勤雨不雨也。

號國夫人

此係追諷
一刻張祐

號國夫人承主恩，平明騎馬入宮門。

二句寫其
無忌憚

却嫌脂粉

浣顏色淡掃蛾眉朝至尊

二句寫其妖

號國本適裴氏何以承主恩平明何時入宮門何爲者至尊非號國宜朝朝至尊浣掃蛾眉何其無忌憚妖淫此

遣悶

地濶平沙岸舟虛小洞房使塵來驛道城日避烏檣暑雨
留蒸濕江風借夕涼行雲星隱見疊浪月光芒螢鑒綠帷
徹蛛絲罨鬢長哀箏猶凭几鳴笛竟霑裳以上遣悶之景倚着如
秦贅過逢類楚狂氣衝看劍匣穎脫撫錐囊妖孽關東臭
兵戈隴右瘡時清疑武畧世亂竭文場餘力浮於海端憂
問彼蒼百年從萬事故國耿難忘以上遣悶之事

也何潤係平沙岸也舟何虛若小洞房然於時驛在城
隅舟泊城下日落而蒸濕尚留者暑雨後也暑蒸而
風忽至者江上故也於時星光隱見月色掀翻岸螢與
星月交輝綠帷更微蛛絲引夕風互繞習習加長寂寞
螢帷弄筆自遣蒼涼蛛鬢聞笛還悲舟次之景如此自
笑塊然等秦人之贅子行歌過此類楚澤之狂夫乃
劍而雄心未忘撫囊而及鋒未晚所以然者隴寇未滅
民瘼足痛耳但時清則武畧堪疑世亂則文場無用我
既無武畧劒出匣而何爲空踞文場雖處囊而焉用宣
尼浮海匏繫何爲屈子問天因人何益百年忽忽萬事
聽之所難忘者故國未歸
他鄉久滯悶終何由遣哉

江陵節度使陽城郡王新樓成王請嚴侍御判官賦七

字句同作

樓上炎天冰雪生高飛燕雀賀新成碧窓宿霧濛濛濕朱

棋浮雲細細輕

四句新樓成

杖鉞褰帷瞻具美投壺散帙有餘

清

二句美

自公多暇延參佐江漢風流萬古情

二句王詩判官同賦意

炎天無暑樓高可知燕雀背賀新成故耳窓內深澤者宿霧疑霏棋閒細細者浮雲如縷何人能有此樓陽城郡王也郡王平日鎮江陵杖鉞治兵率帷按部已瞻其具美今日登斯樓投壺飲酒散帙讀書能有其餘清當枕鉞塞帷則自公也及投壺散帙則自公多暇也暇延參佐相與賦詩如侍御判官者當年羊祜鎮襄陽庾亮鎮武昌我祖征南將軍鎮荊州其風流在江漢間郡王今日風流亦應萬古不朽何但一時落成之賀而已○按史伯玉遭劫喪在大曆五年夏四月至六月以殿中王昂代之伯玉諷大將楊鉢留已甲寅詔起復時公已卒大曆三年新樓成非其時也証家謂大曆初伯玉丁母憂時未再葺雖曰起復亦不當作樓命客賦詩公至江陵依伯玉二詩贊美如此亦賓主之情此失考之誤

又作此奉衛王

西北樓成雄楚都遙開山岳散江湖二儀清濁還高下三

伏炎蒸定有無四句賦樓推轂幾年惟鎮定曳裾終日盛文信

二句美伯玉白頭授簡焉能賦愧似相如漢大夫二句又作之意

此樓雄鎮楚都臨江山之勝豈特江山天清地濁高下
本割然者凭樓仰見天清者還其清倚樓俯見地濁者
還其濁是樓在中央二儀截然於高下樓與天地若
三才之位置矣高樓之上雖多冰雪按時則三伏臨焉
是炎蒸在三伏不能定其無炎蒸之氣三伏豈無暑
而冰雪生焉是炎蒸到此樓不能定其有樓高至此天
地不能有其氣候樓雄矣郡王節度荆南閱今五
轂以來惟務鎮靜所以自公多暇既延參佐更接文儒
而曳裾王門者予亦一人昔梁孝王游兔園授簡相如
賦詩酬倡今郡王固梁孝王我年類老非相如此安能
受王簡為王賦詩
竊附於漢大夫哉

江邊星月二首

驟雨清秋夜金波耿玉繩雨後天河元自白江浦向來澄

二句 江邊 映物連珠斷綠空一鏡升二句 餘光憶更漏况乃露

華凝 以餘意 作結

猶是秋夜曉雨之後其氣彌清金波月與玉繩星並皎也此時江邊一望一若上而天河從來白白下而江浦向來自渾豈知江邊之星彷彿連珠映物而斷江邊之月依稀一鏡綠空而升故天河江浦亦澄湛如此未幾覽餘光數更漏已歎秋夜溘其况露華凝結秋氣侵人又如此

江月辭風纔江星別霧船雞鳴還曙色鷺浴自晴川四句 將曉

歷歷竟誰種悠悠何處圓二句 應首 客愁殊未已他夕始相鮮

應次

二句

月辭星別客棹又發矣雞聲唱曉曙色還留鷺影翻波川光自若昨夜玉繩何在歷歷白榆竟誰種耶昨夜金波何在悠悠清光何處圓耶星真別月真辭欲言相鮮又俟他夕是客愁與星月循環不已也

舟月對驛近寺

更深不假燭月朗自明船

二句舟月

金刹青楓外朱樓白水邊

二句對驛近寺

城烏啼眇眇野鷺宿娟娟皓首江湖客釣簾獨永

眠

四句玩月

更深須燭月朗則不須假也於時舟所近者有寺寺為

金刹月上見青楓之外金刹巍然舟所對者有驛驛在

朱樓月上見白水之邊朱樓宛在青楓外有烏月上聞

城頭之烏啼聲眇眇白水邊有鷺月上見野塘之鷺宿

影娟娟舟月之景如此客雖皓首安能

遠眠惟有釣簾獨玩遣此深更而已

舟中

風餐江柳下雨臥驛樓邊結纜排魚網連檣並米船

四句舟中

風今朝雲細薄昨夜月同圓飄泊南庭老祇應學水仙

四句

舟中
情興

柳下餐風驛邊臥雨與我並集者有捕魚人結繩而不能舉網有販米賈運櫓而未敢挂篷差喜今朝之雲也
覺細薄猶想昨夜之月何等清圓我本北人飄泊南方
竟成南叟今日浮沉水面疑學水仙不然胡為朝朝暮暮
暮江潮之上也

秋日荆南述懷三十韵

昔承推獎分

指房琯

愧匪挺生材遲暮宮臣忝艱危哀職陪

揚鑣隨日馭折檻出雲臺

以上因疏救房琯而出貶

罪戾寬猶活干戈

寒未開星霜立鳥變身世白駒催伏枕因超忽扁舟任往

來九鎖巴巖火三蟄楚祠雷望帝傳應實昭王問不回蛟

螭冰作橫豺虎亂雄猜素業行已矣浮名安在哉

以上避亂蜀夔

之琴烏曲怨憤庭鶴舞摧頽秋水漫湘竹陰風過嶺梅苦

搖求食尾常曝報恩腮結舌防讒柄探腸有禍胎蒼茫步

兵哭展轉仲宣哀飢籍家家米

公自注籍入聲

愁徵處處杯休爲

貧士歎任受衆人咥

以上流寓江陵之事

得喪初難識榮枯劃易該

差池分組昆合沓起蒿萊不必伊周地皆登屈宋才漢廷

和異域晉史圻中台霸業尋常體宗臣忌諱災

以上追歎不用房琯

之羣臣紛戮力聖慮宵徘徊數見銘鐘鼎真宜法斗魁願

聞鋒鏑鑄莫使棟梁摧盤石圭多剪凶門穀少推垂旒資

穆穆祝網但恢恢赤雀翻然至黃龍不假媒

以上期賢非望之意

夢傳野隱類鑿顏坏自古江湖客冥心若死灰

四句自謂

此詩半爲房琯發。我本菲才。曾叨房公薦舉矣。致身
拾遺。年當遲暮。備員補袞。時值艱危。方揚鑠而扈從還
京。旋建言而華州出貶。蓋因房公罷相。極言疏救。坐此
獲戾。賴張鎰得免。推問也。從此一出國門。亂離不已。年
華屢易。日月頻遷。玄鳥白駒。伏枕驚其超忽。星霜身世
扁舟。任其往還。客蜀九年。而樂巴嶺。火遂至九鎖。寓夔
三載。而楚俗祠雷。亦經三黜。在蜀知望帝之化。爲杜鵑
其事。應實在楚。知昭王之膠舟不返。其事非虛。計我流
離。夔蜀九年中。所歷段干璋。徐知道。以至崔旰之亂。蛟
螭作橫。豺虎無情。遂使素業蕭然。浮名永謝。而歎蜀不
可居。變亦難久也。聽琴鳥之曲。不能奮飛。顧庭鶴之舞
悲其失志。因而出峽。湘邊秋水。竹淚俱青。嶺上陰風。梅
花自冷。搖求食之尾。誰念故人。驟報恩之膠。未酬知己
昔年推獎。真永負耳。慎結三寸之舌。爲譏柄之防。莫探
九曲之腸。懼禍胎之伏。步兵一哭。到處茫茫。仲宣七哀
所如。賊賊飢借米而監河之粟。疇遺愁微杯而王弘之
酒。誰送縱爲飢驅。何須扼腕。自憐失路。甘受擗掄。我今
日流寓江陵。如此天榮枯得失。何常之有。由前而言。其
故難識。由後而論。其理易明。分主組而應仕者。差池幾
輩。起蒿萊而在位者。合沓多人。豈必台衡盡登才士。只

由喪亂以來武夫年少驟進登庸故人人自以爲伊周
爲屈宋而果伊周果屈宋如房公者反遭貶斥也當軋
元間朝廷和親回紇之年正房公台星中坻之日夫和
親本漢道難鞏非國體之正若房公乃唐室宗臣而台
星中坻者因分鎮之議有觸忌諱遂至罹災耳今日羣
公苟能僇力以匡聖慮卽爲將者功銘鐘鼎爲相者法
執斗魁亦何愧哉乃時事所亟者一銷兵使金鐵皆鑄
農器一擇相使棟梁不至摧頽一分鎮諸王磐石之固
圭多剪一慎假兵柄凶門之將較少推此時天子垂旒
四方咸仰穆穆法網疎濶萬姓皆樂恢恢赤雀銜書似
西伯受命之歲黃龍浮沼若軒轅御曆之年我愧非板
築胥靡可入武丁之夢自分鑿坏野叟甘爲顏閭之逃
久客江湖逍遙卒歲雖爲
韓安國之灰亦何惜哉

江漢

江漢思歸客軋坤一腐儒

二句總

片雲天共遠永夜月同孤

二句江漢之景落日心猶壯秋風病欲蘇古來存老馬不必取長

途

四句正發明乾
坤一腐儒意

此飄飄江漢間者乃思歸長安之客自歎迂疎亦乾坤
內一腐儒耳彼主持乾坤者有君協贊乾坤者有相致
煩江漢一老憂黎元憂社稷信乎腐矣江漢之景何如
仰看片雲與天共遠坐此永夜與月同孤所以思歸也
此腐儒者人疑其老豈知當落日其心猶壯人憐其病
豈知值秋風其病欲蘇譬彼老馬能任長途不知老馬
可存者不為其有長途之力亦其智足取耳然則
腐儒未可棄也○點布傳漢高以隨何為腐儒

遠遊

江濶浮高棟雲長出斷山

二句遠遊之景

塵沙連越嶺風雨暗荆

蠻

二句遠遊之故

雁矯銜蘆內猿啼失木間
弊裘蘇季子歷國未

知還

四句遠遊之情

江濶則水光蕩漾舟中之高棟若浮雲長則嵐氣參差
舟前之斷山屢出景佳矣無奈塵沙南去越嶺為連風

丙北來荆蠻都暗彼雁之飛也懼贈繳而銜蘆自銜蘆
之挂也當流離而夫木堪悲我何異是昔年蘇子裴
蘇子裴我歷國未還即今日之蘇子也夫

秋日荆南送石首薛明府辭滿告別奉薛尚書頌德叙
懷斐然之作三十韵

南征爲客久西候別君初歲滿歸鳬舫秋來把雁書荆門

留美化姜被就離居

六句叙明府辭滿告別

聞道和親入番名報國

初迎枝不日並八座幾時除往者胡星孛恭惟漢網疎風

塵相瀕洞天地一丘墟殿瓦鴛鴦圻宮簾翡翠虛鉤陳摧

微道槍纍大儲胥文物陪巡狩親賢病拮据公時呵獬獠

唱却鯨魚勢愜宗蕭相材非一范睢

公自注秦拜范睢爲客卿卒稷其謀

門立大夫給伐魏叛韓其相秦也東伐韓少曲高平拔之
又以其謀縱反間於趙某以馬服君之子代廉頗大破趙
於長平皆范雎之謀故以此諸將屍填太行道血走浚儀渠滄口師仍會

函關憤已據紫微臨大角皇極正乘興賞從頻峨冕殊恩

再直廬

公自注公舊執金吾新授羽林前後大將軍

豈惟高衛霍且是接應徐

降集翻翔鳳追攀絕衆狙侍臣雙宋玉戰策兩穰苴

是以須

之意然

鑒微勞懸鏡荒蕪已荷鋤向來披述作

公自注石首處見公

之意

曾此憶吹噓白髮甘凋喪青雲亦卷舒經綸功不朽

臥池體何如

公自注公頃奉使和吐蕃已見上

應訝耽湖橘常餐占野蔬

十年嬰藥餌萬里狎樵漁楊子淹投閣鄒生惜曳裾但驚

飛門耀不記改蟾蜍烟雨封巫峽江淮畧孟諸湯池雖險

固遯海莫填淤努力輸肝膽休煩獨起予

以上叙懷
斐然之意

我南征楚地爲客已久乃甫交西候遂別明府者蓋由
明府石首任滿鳬鳬將辭秋來念兄把雁書而思歸耳
鳬鳬歸而明府美化留於荆門雁書犯而尚書離居得
同姜被大曆初吐蕃再遣使者來聘朝廷遣尚書住報
和親此報國餘事名已垂史卽此一端尚書應除八座
乃今者明府歸而連枝將並尚書老而入座曾除耶往
者祿山作孽胡星字矣多由朝廷過寵漢網疎也一時
風塵湮洞天地丘墟賊瓦落而至尊走宮簾去而嬪妃
逃鉤陳之侍衛已亡交摧徽道守禦之槍纍盡撤何有
儲胥衣冠陪行在而倉皇親賢思倖力而靡益惟尚書
奮臂一呼義旗四應當尚書爲陳倉令手誅國忠之妻
再刃虢國之子是呵豺獠也一殺賊將於扶風再勦賊
兵於扶風是却鯨鯢也蕭何爲漢宗臣者以轉輸餽餉
之不絕當至德初道梗江淮貢賦之蜀之靈武者自襄
陽取上津路抵扶風皆尚書功秦用范雎謀五大夫卒
破趙今尚書不愧蕭何非特一范雎而已此時太行之
戰骨如山凌儀之血渠成海尚書一奮諸節度師皆會
於此未幾香積之師陳而賊兵潰長安復鳳翔之駕還

而乘輿正宗廟新因而見服頻加寵眷登錫夫優於武
者詘於文乃尚書武畧既高衛霍尚書文學又接應徐
宜其位列開中節度爵兼太子賓客也前此作令陳倉
已繼荆鳳繼而勦滅羣寇更絕衆狙爲太子賓客則侍
臣比宋玉而雙位開中節度則戰策視穰苴而兩尚書
之德業斐然者如此向邀明鏡錄我荒蕪今頒新文
成舊感故人白髮已甘凋喪尚書青雲亦任卷舒往時
戡亂功業爛焉近使吐蕃庶幾無恙然得毋訝我耽湖
橘占野蔬乎豈知我十年多病常依藥餌之緣萬里無
家空狎漁樵之侶一官落拓類投閑之楊雄垂老王門
似曳裾之鄒子泥塗甲子但驚熠燿頻飛駒隙流年不
記蟾蜍幾度今日已辭巫峽而迷烟雨爲南征之遠遊
欲沂江淮而畧孟諸取長安之歸路而已至如尚書爲
國元勛功在王室莫日湯池險固當思遼海填於側聞
今年六月朱希彩殺幽州節度李懷仙朝廷不能制是
遼海一帶正未靖也時事如此豈是閭門養威之日猶
爲老臣報國之秋至於起予如鐫我荒蕪吹噓我
於潦倒中豈所急哉我叙懷大指斐然有如此

獨坐

悲秋川口首曳杖背孤城

二句獨坐

江歛洲渚出天虛風物清

二句獨坐所見

滄溟恨衰謝朱紱負平生仰羨黃昏鳥投林羽翮

輕

四句獨坐所感

我今南征備此悲秋能無回首北望長安乃猶倚杖無
之背城獨坐也洲爲水中可居地其小者曰渚江泛則
洲者浸江歛故洲渚出秋天高則氣爽而虛萬象皆空
故風物若是清絕耳惟是浮海有心衰年難到垂朱何
與迂拙堪羨彼黃昏之鳥接翅投林羽翮往來翮翮自
得視我回白首不見長安背孤城獨坐靡托者何如哉

哭李常侍嶧二首

一代風流盡修文地下深斯人不重見將老失知音

四句哭

短日行梅嶺寒山落桂林

二句歿於廣南

長安若箇伴猶想映貂

金

二句指舊僚

常侍一代才子。今日風流盡矣。此去修文亦茫茫下泉耳。我平生交遊化為異物者。何限。他人不重見。猶可言也。斯人不重見。不可言也。斯人是知音。猶壯盛而失知音。尚曰有待。將老而失知音。何可再得。遙想客棹當此短日。淒其行於梅嶺寒山。片影落於桂林。何日返長安乎。彼長安舊侶。夫豈無人。不知若箇尚能不忘常侍想其掩映金貂之風度也。

青瑣雙陪入銅梁。阻一辭風塵逢我地。江漢哭君時次第。

尋書札呼兒檢贈詩。六句發揮王子表不媿史臣辭。二句指

我與君亦長安舊伴。猶想往年我居青瑣。常侍亦居青瑣。曾雙陪入矣。後來我在銅梁。常侍亦在銅梁。竟阻一辭焉。前此青瑣銅梁為風塵逢我地。今日寒山短日為江漢哭君時。我誠阻一辭矣。常侍平生其貽我之書還在否。且次第而尋其贈我之詩尚存否。且呼兒而覓雖然。常侍實王子。應有王子諸侯年表以志其平生。此史臣之職。史臣尚鋪張揚厲。亮常侍素行不愧此發揮。即史臣屬辭不愧此一筆也。

哭李尚書之芳

漳濱與蒿里逝水竟同年欲挂留徐劍猶迴訪戴船相知
成白首此別間黃泉風雨嗟何及江湖涕泣然修文將管
輅奉使失張騫史開行人在詩家秀句傳十二句語意相承客亭
鞍馬絕旅櫬網蠹懸復魄昭丘遠招魂素漣偏樵蘇封葬

地喉舌罷朝天秋色凋春草王孫若箇邊以上望其歸櫬

尚書生爲劉楨是庶子而竄漳濱死爲田橫其門人應
歌蒿里漳濱流水竟與蒿里年華同逝乎忽驚其死欲
挂留徐之劍還疑其生思迴訪戴之船疑其生喜相知
已成白首驚其死痛此別已間黃泉雖欲挂劍風雨淒
其嗟何及矣縱使迴船江湖杳泐徒然耳地下修文
已將管輅而去人間奉使不見張騫再來其奉使吐蕃
史館尚記其事其修文在日詩家久重其名乃遙想客
亭馬蹄應絕傷心旅櫬蛛網空懸欲復魄而尚滯昭丘

庶招魂而仍還素旌縱然歸葬不過樵蘇為鄰已矣朝
天無復尚書喉舌尚書本王孫也當此秋色春草已凋
齊杏王孫不知竟歸何處耶

重題

公自注公歷禮部尚書薨於太子賓客

涕灑不能收哭君餘白頭兒童相顧盡宇宙此生浮

四句哭

江雨銘旌濕湖風井逕秋

二句客觀

還贖魏太子賓客減應劉

二句重題之故

我哭尚書轉痛哭君者惟我白首一人耳我雖白首往
亦兒童計兒童之交相顧已盡則知茫茫宇宙我生亦
甚浮也況客裏銘旌江雨霑濕輟邊井逕湖風暗吹何
口還長安耶尚書為太子賓客本是應劉從此青宮失
一賢傅我灑涕難收職是故耳

宴王使君宅題二首

漢王追韓信蒼生起謝安吾徒自漂泊世事各艱難

四題詩

之意

逆旅招邀近他鄉旅思寬

二句

不才甘朽質高臥豈泥

蟠

結挽起意

韓信爲漢王而還謝安爲蒼生而起固知氣數由天責任在人我徒漂泊自爲之耳若論世事各有艱難各當修力豈使君遂可優悠林下也我本旅人招邀幸近因茲客處意緒爲寬蓋自分不才甘茲朽質若使君而高臥豈真龍蟠於泥爲潛龍勿用耶

沈愛容霜鬢留歡上夜闌自吟詩送老相勸酒開顏

四句

事

戎馬今何地鄉園獨在山

三句

江湖墮清月酌酌任扶

還

二句

霜鬢之人率爲人棄非沈愛容不能容之今留歡而上夜闌者使君投轄之情也顧我老矣使君雖容我霜鬢

我直吟詩以送之耳亦不勝飲矣使君既留飲而勸我亦聊以開我之顏而已似此戎馬我今漂流竟不知何地豈無鄉園我久作客亦杳然在山今夕即見清月已墮江湖夜闌可開逆旅伊邇我將任酩酊而扶還矣○上夜闌或作卜夜闌非也闌係十四寒王維登裴迪小臺亦云好客多乘月應門莫上關彼欲乘月而遊故莫須上關上關即投轄意

久客

羈旅知交態淹留見俗情

二句久客

衰顏聊自哂小吏最相輕

二句去國哀王粲傷時哭賈生

二句久客之情

狐狸何足道豺虎

正縱橫

二句久客之故

交態厚薄從羈旅而知俗情炎涼於淹留而見蓋衰顏自哂何况於人此交態無足怪者小吏相輕宜其為小此俗情大抵然者我今王粲之哀嘗在去國賈生之哭本為傷時去國傷時者非為狐狸為中原豺虎到處縱

橫故梧栖遯地不辭久客小吏馬耶我心哉○時楊子
珠攻成節吐蕃冠邪州宋布彩殺節度李懷仙故曰
縱橫虎力